



**ՀԱՅԱՍՏԱՆԻ ՀԱՆՐԱՊԵՏՈՒԹՅԱՆ ԱՐԴԱՐԱԴԱՏՈՒԹՅԱՆ ՆԱԽԱՐԱՐՈՒԹՅԱՆ
ԱՇԽԱՏԱԿԱԶՄԻ ՕՐԻՆԱԿԱՆՈՒԹՅԱՆ ՎԵՐԱՀՍԿՈՂՈՒԹՅԱՆ
ՏԵՍՉՈՒԹՅՈՒՆ**

0010 Երևան, Վ. Սարգսյան 3/8, հեռ. /010/ 59-41-41

ՈՐՈՇՈՒՄ

Վարչական տույժ նշանակելու մասին

30.09.2016թ.

ք.Երևան

ՀՀ ԱՆ աշխատակազմի օրինականության վերահսկողության տեսչության (այսուհետ՝ Տեսչություն) պետ Միքայել Մինասյանս՝ ուսումնասիրելով «Ռուսալեզու գրողների աջակցության» հիմնադրամի (գրանցման համար՝ 222.160.01018, (այսուհետ՝ Հիմնադրամ) տնօրեն Սուրեն Պետրոսյանի կողմից Տեսչության պետի՝ վարչական տույժ «Նախազգուշացում» կիրառելու մասին որոշման պահանջը չկատարելու կապակցությամբ 13.09.2016թ.-ին հարուցված վարչական վարույթի նյութերը.

ՊԱՐԶԵՑԻ

Տեսչության պետի 18.05.2016թ.-ի որոշմամբ Հիմնադրամի տնօրեն Սուրեն Պետրոսյանի նկատմամբ «Հիմնադրամների մասին» ՀՀ օրենքի 39-րդ հոդվածի պահանջները չկատարելու համար, համաձայն՝ Վարչական իրավախախտումների վերաբերյալ ՀՀ օրենսգրքի (այսուհետ՝ Օրենսգիրք) 169¹⁸-րդ հոդվածի 1-ին պարբերության, նշանակվել է վարչական տույժ՝ «Նախազգուշացում»: Նույն որոշմամբ Հիմնադրամի տնօրեն Սուրեն Պետրոսյանը նախազգուշացվել է նաև, որ վերջինս պարտավոր է որոշումն ստանալու օրվանից երեսուն օրվա ընթացքում ՀՀ արդարադատության նախարարի 2009թ. դեկտեմբերի 24-ի թիվ 319-Ն հրամանով սահմանված կարգով՝ Հիմնադրամի 2015թ. գործունեության մասին հաշվետվությունը հրապարակել ՀՀ հրապարակային ծանուցումների պաշտոնական ինտերնետային կայքում (այսուհետ՝ www.azdarar.am Կայք) և այդ մասին ծանուցել Տեսչությանը:

Տեսչության պետի 18.05.2016թ.-ին վարչական տույժ «Նախազգուշացում» կիրառելու մասին որոշումները, Օրենսգրքի 283-րդ հոդվածով սահմանված կարգով, 19.05.2016թ.-ին ուղարկվել են Հիմնադրամի իրավաբանական հասցեով (ՀՀ, ք. Երևան, Բակունցի փող., շ.2, բն.94), սակայն 22.06.2016թ.ին նամակը հետ է վերադարձել՝ «չպահանջված» գրառմամբ:

Օրենսգրքի 283-րդ հոդվածի 4-րդ պարբերության համաձայն՝ «Եթե անձի (որին ուղարկվել է որոշումը) հայտնաձև հասցեով ուղարկված որոշումը վերադարձվել է, կամ ծանուցման փաստը չի հաստատվել, կամ հասցեատերը հրաժարվել է ստանալ պատշաճ կարգով ուղարկված (հանձնվող) որոշումը և ստորագրել հրաժարվելու մասին, ապա որոշումն ուղարկվում է այդ անձի հաշվառման հասցեով (եթե անձի հայտնաձև հասցեն փոխարինվում է նրա հաշվառման հասցեից) և փեղադրվում Հայաստանի Հանրապետության հրապարակային

Ծանուցումների պաշտոնական ինֆերենսային կայքում: Այն դեպքերում, երբ որոշումն ուղարկվում է անձի հաշվառման հասցեով և տեղադրվում Հայաստանի Հանրապետության հրապարակային ծանուցումների պաշտոնական ինֆերենսային կայքում, որոշումը համարվում է հանձնված (պաշտած ծանուցված) որոշումն ինֆերենսային կայքում տեղադրելու օրվան հաջորդող երրորդ օրը»:

Վերը նշված նորմը հաշվի առնելով՝ Տեսչության պետի նախաձեռնությամբ 16.05.2016թ.-ին հարուցված վարչական վարույթի և 18.06.2016թ.-ին վարչական տույժ «Նախազգուշացում» կիրառելու մասին որոշումները առանց Հիմնադրամի տնօրենի հաշվառման հասցեին ուղարկման, քանի որ Հիմնադրամի իրավաբանական հասցեն և տնօրենի հասցեն նույնն են, 05.08.2016թ.-ին տեղադրվել են www.azdarar.am կայքում: Սակայն հրապարակման օրվանից հաշվարկված երեսուն օրվա ընթացքում Հիմնադրամի 2015թ. գործունեության մասին հաշվետվությունն օրենքով սահմանված կարգով և ժամկետներում չի հրապարակվել www.azdarar.am կայքում:

Տեսչության պետի կողմից հարուցված վարչական վարույթի շրջանակներում Օրենսգրքի 255-րդ հոդվածով նախատեսված վարչական իրավախախտում կատարելու մասին արձանագրություն կազմելու նպատակով Հիմնադրամի տնօրեն Սուրեն Պետրոսյանը հրավիրվել է Տեսչություն: Նշվածի վերաբերյալ Օրենսգրքի 283-րդ հոդվածի 4-րդ պարբերությամբ 14.09.2016թ.-ին ուղարկվել է վերջինիս հաշվառման հասցեին և տեղադրվել է www.azdarar.am կայքում, սակայն գործի քննության ժամանակի և վայրի մասին պատշաճ ծանուցված լինելով, վերջինս չի ներկայացել լսումներին:

Ելնելով վերոգրյալից, ղեկավարվելով Վարչական իրավախախտումների վերաբերյալ ՀՀ օրենսգրքի 169¹⁸-րդ հոդվածի 2-րդ պարբերությամբ, 223¹-ին հոդվածով և 282-րդ հոդվածի 1-ին մասով.

ՈՐՈՇԵՑԻ

1. «Ռուսալեզու գրողների աջակցության» հիմնադրամի տնօրեն Սուրեն Պետրոսյանի (անձնագիր՝ AE0364712, հասցե՝ ք. Երևան, Բակունցի 2-94 բն.) նկատմամբ նշանակել վարչական տուգանք՝ 50.000 ՀՀ դրամի չափով:

2. «Ռուսալեզու գրողների աջակցության» հիմնադրամի տնօրեն Սուրեն Պետրոսյանին նախազգուշացնել որոշումն ստանալու օրվանից **երեսուն օրվա** ընթացքում հիմնադրամի 2015թ. գործունեության մասին հաշվետվությունը հրապարակել www.azdarar.am կայքում և արդյունքների մասին ծանուցել Տեսչությանը՝ կից ներկայացնելով վարչական տույժի՝ ՀՀ պետական բյուջե (հաշվեհամար՝ 900005242111) վճարված լինելու հանգամանքը հիմնավորող փաստաթուղթը կամ դրա պատճենը:

3. Սույն որոշումն ուժի մեջ է մտնում վարույթի մասնակցին այն հանձնելուն հաջորդող օրվանից և կարող է բողոքարկվել վերադատության կարգով ՀՀ արդարադատության նախարարին երեսունօրյա ժամկետում կամ օրենքով սահմանված կարգով և ժամկետում ՀՀ վարչական դատարան:

ՏԵՍՉՈՒԹՅԱՆ ՊԵՏ՝



ՄԻՔԱՅԵԼ ՄԻՆԱՍՅԱՆ